

64.

पोंपरिन्ध् गथ कर तस जानानस ।
मनु ज़ाँपानस मंज छु बँसिथुय ॥
धारणायि प्राण खार आयस्थानस ।
जहानस निश ह्योर गछख खँसिथुय ॥

65.

व्वछि होत ख्यावुनु तृफती यिवान ।
अथ मंज ति पनुन तमाह छुय ॥
सोरुय पुशिरिथि फल रोज दिवान ।
भँक्त्यन शूभान छे मा दुय ॥

66.

मंज भक्ति बावुकिस लोलस लीन रोज़।
शीनु मॉन्ध् मन ईकाग्र गँछिथुय ॥
पँचिथुय कर्मन मो व्वन्ध् दीन रोज ।
बीन बोज़ान गछख ह्योर खँसिथुय ॥

67.

ग्रज्जुवुन सागर ग्रजान रोजान ।
दजान रोजान शाफ तु संताप ॥
ध्यानय तँम्यसुंद कर्मन बुजान ।
ज्ञानुक भान गालान मनु ताप ॥

68.

सुमरण गालान जन्मन हृद्य शाफ ।
त्रै ताफ म्वकलान सीवायि सुत्य् ॥
ध्यानय तँम्य सुंद मनि त्रावान छाप ।
माफ सोरुय गछान भावनायि सुत्य् ॥

69.

मन डंजि थॉविथुय प्राण ह्योर ह्योर खार।
आत्मस सुत्य् रोज मिलुवान तार ॥
नखु वसन जन्मादिकन हृद्य पापु बार ।
वीदन तु शास्त्रन हुंद लबख सार ॥

70.

दय नो दूरि सु छु मनसुय मंज ।
मनु रुप पानय छुय सथ ग्वर ॥
नेबरिम्य बंद कर अँदरी अछ अंदर ।
टाकारु पाँठ्य वुछिहन सुय स्वंदर ॥

71.

जेरि जेरे पोश लागुस शेरे ।
नेरे नोन सुय आदन यार ॥
नतु योद दुसतिस जहानस ति फेरे ।
कुनि नो लबि भवसरु कुय तार ॥

72.

सोन थाँविथ च़य नोन मो हावुन ।
थावुन च़ूरि यिथु नाफ़ु आसान ॥
लोलु सोदरस मंज ग्वतु द्यावुनावुन ।
प्रावुन लैम्बि पम्पोशास्थान ॥

73.

वौनमुत कनव च़ेय बूजुथ पानय ।
जहानय सारिकुय च़ु आसुवुन सार ॥
टाठ्यन प्यठ रोज़ुवुन दयावानय ।
कठिने भवुसरु दिवान सुय तार ॥

74.

सोम्बरान सोम्बरान पान मो गोबराव ।
सोम्बरिथ केह नो न्युन छुय सुत्य् ॥
लोत रूज़िथ च़य यछ़ायि दोबराव ।
मन गॅन्डिथ तारु तॅरिथ गॅयि कृत्य् ॥

75.

मन लाग तस कुन कन वॅटिथुय थव ।
धनु त्रेशना त्राव रथि तन खार ॥
बोज़ख पानय छु आगुर ग्रज़ान ।
यीरु गॉमतिस पानस लगि तार ॥

76.

संसार वृक्षुक फल छुय नशवर ।
 आसान ट्योठ तय बासान म्यूठ ॥
 भ्रम सँदरय मंजु नेरुन दुशवार ।
 छोटरिथ रटुन सुय मव पख ज्यूठ ॥

77.

करनस मंजुय न करुन बासी ।
 आसी सत्च्यथ स्वरुवुन सुय ॥
 सोरुय कॅरिथ रोजी व्वदॉसी ।
 सन्यॉसी मालि आसुवुन सु छुय ॥

78.

बेयि सुंदि सुती फ्रठ नो गछ्यस ।
 नव करि पनुनुय वठ काँसि ज़ांह ॥
 ज़ठ कासि पनुसुय खसि मनु यँदरस ।
 ज़ीनिथ गछि सुय शँत्रय काह ॥

79.

कंजे ख्यावान रूदुख पौरान ।
 अथ नो रोजी खाक तय सूर ॥
 वैषियन थर कर ऊँ रोज़ स्वरान ।
 प्रज़ली काय तय बनख पुर नूर ॥

80.

कतरस मंज़ुय सोदुर छु बैसिथुय ।
 सौरुय काँयनात अँथ्य् मंज़ छय ॥
 जोतुवन्थ् ज़ितिन्थ् न दौर छु सोरुय ।
 सन अथ दूर गछि सोरुय भय ॥

81.

ज़ीवो तस सृत्थ् पज़रुच थव लय ।
 खय गॅलिथुय प्रज़ुनावख पान ॥
 रुत्यव कर्मव बनुखो न्यर्भय ।
 लोलु नय वज़ि नेरि अमर्यतु कान ॥

82.

लोलस थोद नो कांह मंत्र छुय ।
यन्त्र ति नो वातान लोलसुय ॥
लोलस निश हॉरान तंत्र छुय ।
साह्यब बस टोठान लोलसुय ॥

83.

सथ थाव तॅम्पु संज वथ हावि पानय ।
कथ मोदरुय कर पेयिय शोहजार ॥
मायायि पर्दय पथ त्राव पानय ।
लथ लॉयिथ खसख ह्योर संसार ॥

84.

रुत्पु भूग भूगान वॉन्सा गॅयियो ।
पेयि यो नेन्द्र च़ेय व्वन्पु वख वोत ॥
त्राव आसकती यि बॅड क्रय छयियो ।
लय तस सुत्पु थव विषयन दि द्रोत ॥

85.

ग्वर त्रन दीवन मंज शोद आसान ।
 जन्मदिकन हंघ कासान भय ॥
 शब्दुय विषयन गंड करुनावान ।
 हावान सारिनुय मंज छु पानु दय ॥

86.

मनु किन्त् सत् ग्वरुसुय गछ शरणुय ।
 अदु प्रजुनावख पनुनुय पान ॥
 सीवि तंम्भ्य सुंजि जीव पानय तरुनुय ।
 परुनुय ऊँ गछ मनि रठ प्राण ॥

87.

क्रेंजलि पोन्त् सारान सारान जग मूद ।
 गछान यिम कोत जांह सन्योख नु ओर ॥
 वुनि छय सुल बस दयि नावुय रूद ।
 सुलि गरि सुमरण कर खुलि तोर ॥

88.

ध्यानु धारणायि सुत्य् मनु ग्वफि छोंडुम।
 नोन द्राव ज़न काचु ज़ून नूरु पान ॥
 मनु अँछिवय सुत्य् वारु प्रज़नोवुम ।
 सत्ग्वरु रूपु वुछमय भगवान ॥

89.

च्वपॉर्य ड्यूंठुम सॉरिसुय अंदर ।
 प्रज़लान पनुनिस गरुसुय मंज़ ॥
 म्योन म्योन करुनय फँट्य मंज़ समन्दर।
 बुय नो केँह सुय सॉरिसुय मंज़ ॥

90.

चीतन ऑसिथ मूड्य मो बन ।
 सुमरनि सुत्य् मनुसुय सँन्दराव ॥
 प्राणु चूर रँटिथुय कनुनुय द्यू कन ।
 ज्ञानु गाहँ पनुनी पान प्रज़ुलाव ॥

91.

शम द्यू दम द्यू चीतन रूजिथ ।
 वेषियन गंड कर तु तरख चुय ॥
 शन हंदिस सॉमियस शोछा सूजिथ ।
 शोयव बु मोरुस मारुख चुय ॥

92.

लौत खार प्राणुय अपानुय लौत त्रावा ।
 धारणायि ध्यान दार मनि मंज थाव ॥
 मनुकिस यँदरस शब्दुक पन खार ।
 राजु हंस बनख योद चु आसख कावा ॥

93.

दोह दोह गॅछिथुय काल पतु दोर्योम ।
 बुथि बुजरुय आम छस थारान ॥
 प्रारान प्रारान ल्वकुचार सोर्योम ।
 हा पानु शिव शिव गछ स्वरान ॥

94.

ग्वण त्रैय छिय ज़ीवस प्रकरच मंज़ ।
 सथ रज रँटिथ तमो गुण व्वपदान ॥
 यिथय सत तम रँटिथ गछान रजिसुयमंज़ ।
 ज़ीवु रज तम रठ सतो गुणस दि प्राण॥

95.

ह्यस कर, ह्यस थव युथनु ह्यसुवय डलख।
 व्यसरिथ डँलिथ गली शीन ज़न पान ॥
 सुमरणि सुत्थ् लेम्बि पम्पोशी फ्वलख।
 तँरिथ भवुसरु गछख लबख न्यर्वान ॥

96.

हा जानानो वंदुयो बु प्राणो ।
 कँन्थ् शोछ वँनिथम स्यठा म्वलुवान ॥
 सँन्थुय स्वय गँछिथ बँरिथ आम बानो।
 प्राणुय ह्योर खोत प्रकाशस्थान ॥

97.

बंद अँछ कँरिथुय प्रकाश वुछिखो ।
व्वंदु साफुय छय स्यंदुवुजुवान ॥
ग्रजुन गंगायि हुंद बंद कनव बोजुखो ।
न्यर द्वंद छिय अंदु वंद बोजुवान ॥

98.

नट बँनिथुय च़ुय आखो ज़ीवो ।
करने नट रूपुक व्यवहार ॥
आसी योद रुत क्रुत ज़ान ह्युवो ।
कर त्युथ युथ लगि भवुसरु तार ॥

99.

सोम खार सोम त्राव सोमुय सोमराव ।
सोम लाग सोम वुछ सोमुय सार ॥
सोमुय ज़ॉनिथ ओमवी तार प्राव ।
सुमु दिथ दिचियो भवुसरु तार ॥

100.

कनुनुय कन दिथ रोज़तो पानो ।
ल्वति ल्वति बोज़ख शब्दय सार ॥
ध्यानय धारणा थव बोज़ सानो ।
मोदरुय वज़ान क्याह स्वर्गच तार ॥

101.

पानस ब्वन कुन नज़रुय थॉविथ ।
शांत मन गँछिथ्रुय बडियो बाव ॥
कथ ज़ेछरय छुख च़ुय थफ कॅरिथ ।
छु वुरुन यूतुय त्यूत ख्वर वहराव ॥

102.

शारदायि हुंद छुय दया रूप चोनुय ।
आँथु रोस आसान अमिकुय लोल ॥
यूत वर्तावख बडान छु त्यूतुय ।
खर्चनु सुत्पू नी छुय गटन वोल ॥

103.

अज्ञानु किन्त् बासान सोरुय म्योनुय ।
ज्ञानुक गाह बस पोज़ हावान ॥
शास्त्र वनान पॅज़िसुय गच्छि सनुनुय ।
पोज़ वुछुनुय गव लबुन भगवान ॥

104.

दय छुय रचि रचि बैसिथुय पानय ।
शीनस पोन्त् रंग माँजे जान ॥
अभ्यासु किन्त् नोन नेरि जानानय ।
ह्युव रूज़िथ रठ च्यु मान अपमान ॥

105.

योद कल गनी स्व पलुसुय सनी ।
नारु तावय दज्ञान हृदयुक स्थान ॥
क्षणु मात्रस वॅर्ययि बैट्ट् बासॉनी ।
मनु आसुनस बनान परमु स्थान ॥

106.

हा सथ ग्वरु हा बडि महाराजो ।
तावु कोडथम मन मे स्वन चमकान ॥
ध्यान चोन करान पापन तहराजो ।
भक्ति प्रकाशि सोरुय ज़ोतान ॥

107.

सुलि कन थोवथम म्यान्यन नादन ।
लादन बस छम अख मे चॉनी ॥
दयायि सुत्य् क्षय करुवुन अपराधन ।
नाव चोन भवुसरु तारॉनी ॥

108.

फॅटमुच अँसुस भवसरुसुय मंज ।
लोलुकि ज़ोरु बोठ खॉरथस च़ेय ॥
गंगु वानि नॉविथ अंतः हॉविथ ।
कँड दागव बॅरिथ डींठुम मेय ॥

109.

यकदम दीन सपञ्जस मनुसुय मंज ।
 कांह वथ न तरनुच न बासेयि मेय ॥
 नोन नेरि चैय नॅन्य् पाँठ्य वोनथम ।
 कर मनु ध्यान तारथ बु पानु च्यय ॥

110.

जलु मंजु नीरज चैय फोलरोवुथ ।
 दोह पूर्णिमाये दया कॅरुथ चैय ॥
 त्रन भवनन हुंद सार हेछिनोवुथ ।
 अड छाँविस छाव ओनुथ मेय ॥

111.

तन चाँन्य् आँसिथ मन चोनुय छम ।
 अन्न सोरुय चोनुय छुम धन ॥
 कन दिथ कनन सनुन चोनुय छुम ।
 छन छन बोज कर गंटायि ठन ॥

112.

यावुन ज़ोलमुत ओसुम कामन ।
 क्रूधन ति ज़ॉजिमुच ऑसुम काय ॥
 मूहन लूभन ओस वोलमुत दामन ।
 नोन द्राख भास्कर गॉब गॅधि छाय ॥

113.

नशवर संसारन चय वोलमुत ।
 बोज़ ह्यतु कॉम येति पोज़ क्याह छुय ॥
 यिय रेशव अवतारव वोनमुत ।
 मनु अँछिवय वुछ सथ असथय ॥

114.

मँञ्ज्य् तूशुख मँञ्ज्य् रूशुख पानय ।
 मँञ्ज्य् हॉविथ गुपुत पनुनुय पान ॥
 मँञ्ज्य् च़ेय सुमरण दिचथ क्याह जानुय ।
 हा ग्वरु वंदुयो पनुनुय प्राण ॥

115.

हा पानु यि केंछा येति मेलान ।
तैथ्य् मंज संतोश करुन गव जान ॥
मव रोज अलांघन थपु दिवान ।
स्वखु द्वखुसुय मंज ह्युव थव पान ॥

116.

यछ् अँसुम बर पूर गनेमुच ।
दँदु वन ओस बासान सोरुय ॥
अँदरय ज्ञानुच ज्यूत्याह जॉलिथ ।
मनु गुर रँटिथ त्रोवुथ तोरुय ॥

117.

कल कल कँरिथुय पल पल मा गोम ।
छल कँरिथुय मा संसार गोम ॥
मल कँडिथुय दागव निशि दूर गोम ।
मनु विषयन चूर प्यथ नूर प्योम ॥

118.

मंदर मस्जिद तीर्थ तु अस्तान ।
 मव छांड पानो अति छुय नु सुय ॥
 पज़ि लोलु मनुकुय बनतो मस्तान ।
 ब्रोठ कनि वुछिहन छ्वपु कॅरिथुय ॥

119.

सूर मॅलिथुय नूरु बॅरिथुय छुख च़ुय ।
 तनि सुह मुसुलाह वॅलिथुय च़ुय ॥
 खोहवुर्य कनि बेहनावान रनि च़ुय ।
 मनि ग्वफि नोन नेर प्रैनि प्रोन च़ुय ॥

120.

दया रूपस चॉनिस छुय नमस्कार ।
 न छस सुम कुनि न कुनि तार ॥
 यस सॅदरस बोठ खॉरिथ संसार ।
 पान दिथ पनुन ति रोज़ान बे करार ॥

121.

हा जीवु इन्द्रेय मनु रोस छि आसान ।
मन इन्द्रियव सोस आसान छुय ॥
जीव याद नेंद्रायि मंज ति छुय आसान।
इंद्रैय बंद ति मन ज़ागान छुय ॥

122.

ग्वरु दीक्षायि रठ नम च्यथ नावे ।
नूर डींशिथ त्राव पूर्य दूर दूर ॥
सतुचे वति पॅकिथ मन अहम् त्रावे ।
प्रावे परमु आनन्द सु पूरि पूर ॥

123.

मव हाव तस युस नो छुय यछान ।
कोताह छु बोड सुय तु तॅम्य् सुंद बावा॥
मूडस वॅन्य् वॅन्य् कॅन्य् पॅत्य् गछान ।
बुज्य् बुज्य् निवान छुस वर्जुन वाव ॥